

Pled d'avertura da la sessiun da december 2025
Presidenta dal Cussegl grond Valérie Favre Accola

(Valair vala il pled discurre)

Stimadas collegas e stimads collegas dal Cussegl grond

Zunt stimada Regenza

Stimadas collavuraturas e stimads collavurats dal Secretariat dal Cussegl grond, stimà chancelier

Stimadas interpretas e stimads interprets, stimadas forzas da segirezza, stimadas collavuraturas e stimads collavurats da las medias

Chars giasts sin la tribuna ed al livestream

Cura che nus ans scuntrain mintgamai per la sessiun dal Cussegl grond qua a Cuira, han ils blers da nus fatg in viadi pli curt u pli lung. Ils ins han gì la fortuna, da pudair arrivar a pe u cun il velo, auters han stuì far in viadi pli lung, per part schizunt sur plirs pass, forsa perfin cuverts da naiv.

Per nus Grischunas e Grischuns han colliaziuns da traffic segiras ina impurtanza speziala. Ellas n'èn betg mo vias da lavur e da transport, mabain er vias da scola, da far cumissiuns e da temp liber che ans pussibiliteschan abitadis decentrals en l'entir chantun ed a noss giasts d'arrivar al lieu da vacanzas. E sche noss viadis èn en media er bler pli lungs ch'en auters chantuns, èn quels – en vista a nossa cuntrada maiestusa ed a la gronda diversidad da las colurs da nossas stagiuns – er bler pli aventurus. Sin nossas vias da viadi ans intgantun prads da flurs, animals selvadis, colurs d'atun, cuntradas d'envern, lais sbrinzlants e muntognas maiestusas che ans fan adina puspè endament, che nus vivain en il pli bel chantun e ch'i vala la paina da s'engaschar politicamain per nossa patria ed uschia er per in chantun cun colliaziuns segiras.

Colliaziuns mancantas u er serradas da vias e da trajects da viafier per motivs da segirezza, pon numnadamain avoir consequenzas economicas considerablas per entiras regiuns.

Vias da traffic segiras èn bler dapli che mo vias da colliaziun en la proxima val, en autras regiuns linguisticas e culturalas. Colliaziuns da traffic èn las avainas da vita da nossas valladas, quai avevan gia percurschè ils pioniers da viafier sco Willem Jan Holsboer u Simeon Bavier, ch'è pli tard daventà l'emprim cusseglier federal grischun. Las vias da traffic ans pussibiliteschan in ulteriur svilup persistent ed ina creschientscha d'auta qualitad. Noss chantun da cunfin na rendan ellas betg mo accessibel per l'entira Svizra, mabain er per regiuns economicas da l'exteriur vischin, sajan quai Milaun, Puntina u Minca.

E nossas colliaziuns transcunfinalas èn er colliaziuns impurtantas dal vest a l'ost resp. dal nord al sid entaifer l'Europa.

Quests fatgs ston la politica, l'economia e la societad grischuna trair endament a la Confederaziun, sch'ella vul priorisar autramain, e sin donn e cust dal chantun Grischun, ils proxims pass da cumpletter las vias e la viafier. Ans engaschain, nus tuttas e tuts, dal tuttafatg en il senn da SEMPER CAPRICORN, per nossas colliaziuns da traffic impurtantas – betg mo per noss chantun, mabain er sin plaun naziunal ed internaziunal.

Cun quai declar jau la sessiun da december 2025 per averta.